

元和郡縣圖志

附闕卷逸
文攷證

一一



元和郡縣圖志

附闕卷逸文攷證

(一十)

李孫張
吉星駒
甫衍賢
撰校證

元和郡縣圖志卷第三十四

嶺南道一

嶺南節度使

廣州

南海都督府

開元戶六萬四千二百五十

元和戶七萬四千九十九

鄉一百九十四

今爲嶺南節度使理所

管州二十二 廣州 循州 潮州 端州 康州 封州 韶州 春州自封州以下分入下卷 新州 雷

州 羅州 高州 恩州 潘州 辨州 瀧州 勤州 崖州 瓊州 振州 儋州 萬安州

禹貢梁州之域春秋時百越之地秦并天下置南海郡下言南海郡地秦末趙佗竊據之高帝定天下爲

中國勞苦釋佗不誅因立佗爲南越王使無爲南邊害至武帝元鼎五年遣伏波將軍路博德出桂楊下

湟水樓船將軍楊僕下湟水咸會番禺誅佗玄孫建德及相呂嘉遂定越地以爲南海蒼梧鬱林交趾九

真日南珠崖儋耳郡按漢南海郡卽秦南海故郡也屬交趾刺史獻帝末孫權以步騭爲交州刺史遷州

於番禺卽今州理是也孫皓時以交州土壤太遠乃分置廣州理番禺交州徙理龍編晉氏因而不改義

熙中盧循自稱平南將軍廣州刺史用徐道覆計舉兵建業軍敗單舸走保廣州爲晉將杜慧度所破投

水而死。開皇九年，平陳於廣州，置總管府。仁壽元年，改廣州爲番州。大業三年，罷番州，爲南海郡。隋末陷賊。武德四年，討平蕭銑，復爲廣州。開元二十一年，又於邊境置節度經略使。式遏四夷。廣州爲嶺南五府經略使理所，以綏靜夷獠。經略軍，南海郡，係本州城內有經略。清海軍，恩平郡，管兵一千。郡管兵一千人。容管經略使，普寧郡，管兵一千一百人。鎮南經略使，安南都護府，管邕管經略使，期寧郡，管兵一千七百人。

州境，東四百八十里，南一百一十里。

八到，西北至上都取郴州路四千二百一十里，取虔州大庾嶺路五千二百一十里。

東北至梧州五百三十里。

西北至流連州八百九十里。

正西至北至端州路六百九十里。

西南至恩州路六百九十里。

正南至賀州路七百七十六里。

貢賦，開元貢，荔枝、蕉、山薑、餘甘子、鼈皮、石斛、鱧乳、沈香、第蛇膽、元貢、荔枝、蕉、山薑、餘甘子、鼈皮、石斛、鱧乳、沈香、第蛇膽、甲香、占臘香、魴蛇膽。

管縣十三：南海、番禺、化蒙、懷集、增城、泮水、東莞、新會、義甯、清遠、四會、湊。

陽 滄涯

南海縣，上。郭下。本漢番禺縣之地也。屬南海郡。開皇十年，分其地置南海縣，屬廣州。番山在縣東南三里。

禺山在縣西南一里。尉佗死葬於此。

南海在縣南水路百里。自州東八十里。有村號曰古斗。自此出海。浩淼無際。

石門水一名貪泉。出縣西三十里平地。卽晉廣州刺史吳隱之飲水賦詩之處。

州城。步騭所築也。騭爲交州刺史。登臺遠望。乃曰。新城海島膏腴之地。宜爲都邑。遂遷州於番禺。建築城郭焉。

趙佗故城在縣西二十七里。卽尉佗都城也。

陸賈故城在縣西十四里。賈之來也。佗不卽前。賈故爲城以待之。

盧循故城在縣南六里。循旣爲宋高祖所破。聚其餘黨。至自番禺。高祖遣建威將軍孫季高。振武將軍沈田子力戰。大破之。

朝臺在縣東北二十里。昔尉佗初遇陸賈之處也。後歲時於此望漢朝拜。故曰朝臺。

牛鼻鎮在縣西北五十里。

赤岸戍在縣東百里。

紫石戍在縣東七十里。

北廟在縣北三里。卽尉佗之廟也。

虞翻廟在縣西北三里。翻爲孫權騎都尉。以數諫爭徙交州卒。

海廟在縣東八十一里。

任囂墓在縣北三里。

尉佗墓在縣東北八里。又言佗葬在禺山。蓋與此相連接耳。

番禺縣。上北至州十五里。本秦舊縣。故城在今縣西南二里。縣有番禺二山。因以爲名。或言置在番山之隅。開皇

十年。改置南海縣。卽今縣是也。長安三年。於江南洲上別置番禺縣。取漢名。其洲周迴約八十里。

化蒙縣。下東南至州百八十里。本秦四會縣之地也。宋元嘉十三年。分四會縣之蒙鄉置化蒙縣。屬綏建郡。開皇十

年。廢郡以縣屬廣州。

鉛穴山在縣西六十里。出鉛錫。

滑水一名綏建江。經縣南。去縣三十步。

懷集縣。中東南至州六百三十里。本漢四會縣之地。宋元嘉中。分四會縣之銀屯鄉置懷集縣。屬綏建郡。開皇十年。

改屬涇州。涇州卽今廣州。治涇縣理是也。二十年。廢涇州。改屬廣州。

驪山在縣東北四十二里。多鐵錒。百姓資焉。

綏建江經縣西南三里。

增城縣中、西南至、州百八十里本漢番禺縣地。後漢於此置增城縣。按崑崙山上有閩風。增城蓋取美名也。屬南海郡。開皇十年屬廣州。

猊山在縣東南二十三里。多婆婆摩竹。圍三四尺。至堅。里人以爲弓。弓形如弩。

九子嶺在縣西四里。

泉山在縣西三十二里。其上多漆樹。

龍泉在縣西青山。有神龍帶銅環上此水。有穢此水。則便澍雨。

石陂在縣東北百五十里。溉田餘頃。

牛潭在縣東北二十里。

泮水縣中、東北至、州七十二里本漢封陽縣地。在今賀州界。蕭齊於此置泮安縣。屬廣州。至德二年改爲泮水縣。

齊樂水經縣北百步。

滑水在縣北五十里。

東莞縣中、西北至、州三百里本漢博羅縣地。晉成帝咸和六年於此置寶安縣。屬東莞郡。開皇十年廢郡。以縣屬

廣州。至德二年改爲東莞縣。取舊郡名也。

寶山在縣東北五十五里。

南海在縣西二里。

新會縣。中。東北至州三百里。本漢四會縣地。隋開皇十年置新會縣。屬岡州。岡州即今廣州。義甯縣理是也。開元二十三年割屬

廣州。

利山在縣南百七十里。上多沈香木。

南海在縣北百五十里。

義甯縣。下。東北至州五百里。本漢番禺縣之地。宋元嘉六年於此置義甯縣。屬新會郡。隋改屬岡州。天寶初廢岡

州。以縣屬廣州。

天路山在縣西一十六里。

清遠縣。中。南至州二百四十里。本漢中宿縣地也。梁武帝於此置清遠郡。中宿縣屬之。開皇十年廢郡。置清遠縣。屬

廣州。

觀亭山一名觀峽。一名中宿峽。在縣東三十五里。縣昔取此峽爲名。

四會縣。中。東南至州二百四十里。本漢舊縣也。屬桂林郡。開皇十年改屬廣州。

金山一名金崗山。在縣北六十五里。出金沙。

鷄籠山在縣西二里。

滇陽縣。中。南至州四百里。本漢舊縣也。屬桂林郡。在滇水之陽。因名。吳屬始興郡。開皇十年。改爲貞陽。屬循

州。十九年。改屬廣州。武德元年。復改爲滇陽。

滇山在縣北四十里。滇水所出。尉佗爲城於此山上。名爲萬人城。

滇陽峽一名皋石山。在縣南二十五里。崖壁千仞。猿狖所不能游。

漆水一名始興。大江北自韶州曲江縣界流入。東去縣百一十步。

涯浦故關在縣西南四十五里。山谷深阻。寔禁防之要地也。

浚涯縣。中。東南至州五百里。本漢舊縣也。屬桂陽郡。隋開皇十年。於此置涯州。縣屬焉。二十年。廢涯州。以縣屬廣

州。因縣界涯水爲名也。地理志。含字無水。

堯山在縣北四十里。

白鹿山在縣東南三十里。

涯水自西連州陽山縣界流入。經縣南百步。

舍涯故城本漢含涯縣也。在今縣東四里。

故涯城在縣西三十步。

循州。海豐上。

開元戶九千五百二十五。

元祐戶二千八百九十九。

鄉十五。

本秦南海郡地。漢平南越。復置南海郡。今州卽漢南海郡之博羅縣也。梁置梁化郡。開皇十年。於此置循州。取循江爲名也。大業三年。改爲龍川縣。武德五年。復改爲循州。

州境。東四百八十三里。南七十二里。

八到。西北至上都取廣。路四千六百一十里。西北至東都取廣。路四千四百五十里。

東北至虔州一千五百里。東北至韶州一千二百里。

西至廣州水路沿泝相兼。四百里。陸路三百五十里。南至海一百一十里。

貢賦。元。關元貢。熟蛇膽。甲香。藤器。蛟魚皮。大甲香。小甲香。水馬。大魚睛。羅浮柑子。蝟蛇膽。藤箱。

管縣六。歸善。博羅。興甯。海豐。河源。雷鄉。

歸善縣。中下。本漢博羅縣地也。宋於此置歸善縣。屬彰郡。梁屬梁化郡。開皇十年。廢梁化郡。以縣屬循州。

長山在縣東南百里。

寅山在縣東北十五里。多出伏苓。

南海在縣南一百一十里。

河源水北去縣四十步。

歸善故城在縣東北七十里。

梁化故城在縣東南八十里。

博羅縣。中下東南至州三十里。本漢舊縣也。屬南海郡。開皇十年。改屬循州。二漢縣立名不一。自吳以後。復爲博羅。

羅浮山在縣西北二十八里。羅山之西有浮山。蓋蓬萊之一阜。浮海而至。與羅山並體。故曰羅浮。高三百六十丈。周迴三百二十七里。峻天之峰四百三十有二焉。事具袁彥伯記。

浮水出羅浮山。

河源水東自歸善縣界流入。南去縣一百步。

興甯縣。中下西南至州七百里。本漢龍川縣之地也。晉於今縣西三里置興甯縣。屬東莞郡。開皇十年。以縣屬循州。

六石山在縣西南三里。

循江西自河源縣界流入。西去縣五十里。

興甯江南去縣一百八十里。

海豐縣。中下西北至州五百里。本漢龍川縣地。東晉於此置海豐縣。屬東莞郡。開皇十年。廢。以縣屬循州。

南海在縣南二十五里。

龍山在縣北五十里。

河源縣。中下西南至州二百三十里。本漢龍川縣之地。齊於此置河源縣。縣東北三百里有三河之源。故名也。屬南海。

郡開皇十年改屬循州。

龍穴山今名龍川山在縣東北三百四十里。

循江經縣東南去縣二百步。

龍川故城在縣東北水路百七十五里。秦龍川縣也。秦南海尉任囂疾召龍川令趙佗授之以政。卽此處也。

雷鄉縣中下至州六百里。天授二年廣東都督陳崇業奏置南臨大江。

潮州下潮陽開元元授元戶九千三百二十七。鄉一十六。

今州卽漢南海郡之揭陽縣也。晉安帝義熙九年於此立義安郡及海陽縣。開皇十年罷郡省海陽縣。仍於郡廨置義安縣以屬循州。十一年於義安縣立潮州以潮流往復因以爲名。大業三年罷州爲義安郡。武德四年復爲潮州。

州境東四百三十六里

八到西北至上都取虔州路五千六百二十五里

西北至虔州一千五百里

西南至廣州水陸路相兼一千六百里

東北至漳州取漳浦縣路四百八十里。

貢賦。

開元貢。

蕉葛布。

鮪蛇膽。

鮫魚皮。

甲香。

靈龜散。

管縣三 海陽 潮陽 程鄉

海陽縣。

中下。

本漢揭陽縣地也。晉於此立海陽縣。屬義安郡。開皇十年。省郡。廢海陽入循州。十一年。置潮

州。又立海陽縣以屬焉。南濱大海。故曰海陽。

鳳凰山在縣北一百四十里。

大海在縣東南一百一十三步。

西津驛在縣西六里。

鹽亭驛近海。百姓煮海水爲鹽。遠近取給。

官鄣湖在縣東南二十里。出名龜。以卜勝於含涯龜也。

潮陽縣。

中下。

東北。

本漢揭陽縣地。晉安帝分東莞郡置義安郡。仍立潮陽縣屬焉。以在大海之北。故曰

潮陽也。貞元九年。移於今理。

穫子山一名龍首山。在縣東南五十里。

龍溪山今名海甯嶺。在縣西南一百七十里。

大海在縣西南百三十里。

程鄉縣。中下東南至州四百里。本漢揭陽縣地。齊於此置程鄉縣。蓋分海陽縣立焉。屬義安郡。開皇十年省。十一年。

置潮州。復立程鄉縣屬焉。

西陽山在縣東南四十五里。

西陽水在縣南二十三里。

端州。高要開元戶八千一百五十二。鄉十四元和戶一千七百九十五。

本秦南海郡地。漢武帝置蒼梧郡。則爲蒼梧郡之高要縣也。梁大同中。於此立高要郡。開皇十一年。置端

州。大業三年。罷爲信安郡。武德四年。平蕭銑。五年。重置端州。當西江入廣州之要口也。

州境。東一百五十八里。南一百一十四里。

八到。東北至東都郴州路至上都四千三百三十五里。

四至廣州義甯縣一百五十里。

東南至廣州新會縣三百里。

東北至廣州四會縣陸路一百八十里。

北取廣州四會縣界水路至韶州六百四十里。

管縣二 高要 平興

高要縣郭下本漢舊縣也屬蒼梧郡有鹽官開皇十一年置端州割屬焉

石室山在縣北五里

零羊峽在縣東水行三十里吳步騭爲交州刺史興軍取南海衡毅錢博等領兵逆之戰於峽口博等軍敗投水死者十餘人卽此處也

青岐鎮在縣東八十五里

鵠奔亭在縣西八里漢交趾刺史何敞辯死女子冤卽此處也

平興縣下西北至八十里本漢高要縣地也晉末分置平興縣屬新甯郡開皇十二年罷郡屬端州

漏山在縣東四十里

康州晉康下開元戶一萬三千一百五十二鄉一十六

漢武帝平南越置蒼梧郡今州卽蒼梧郡之端溪縣也晉末於此置晉康郡開皇十二年省晉康郡以所

領縣屬端州大業三年罷州爲信安郡隋末陷賊武德四年討平蕭銑五年置康州

州境東四二七十九里
南北二百四十五里

八到西北至上都四千二百五十五里
西北至東都四千五百一十五里

東至端州一百九十里
西南水路至瀧州一百八十里

西北至霍山一百二十里與廣州化蒙縣分界

貢賦開元貢銀蕉布麻布

管縣四 端溪 悅城 都城 晉康

端溪縣郭下本漢端溪舊縣也屬蒼梧郡

端山在縣北百二十五里有樹冬榮其子號曰豬肉子大於杯炙而食之味如豬肉故名也

西江水經縣南去縣五十二步

悅城縣州下西至本漢端溪縣地也宋於此置樂城縣屬端州武德五年改屬康州天寶元年改名悅城

鬱水一名西江水經縣南去縣十步

程溪水東去縣百步

都城縣州下東北至本漢端溪縣地宋於此分置都城縣屬晉康郡大業二年屬封州武德五年改屬康

州

鬱水經縣西去縣一里

晉康縣下東至州本漢端溪縣地宋於此置安遂縣貞觀八年於縣置藥州十八年廢州以縣屬康州

至德元年改爲晉康縣

建水在縣東五十步。

封州。臨封。開元戶五千六百五十三。元和戶八百一十一。鄉七。

秦爲南海郡之地。漢平南越。置蒼梧郡。今州卽漢蒼梧郡之廣信縣地也。梁於此置梁信郡。屬成州。開皇十年。改爲封州。大業三年。罷州。以縣屬蒼梧郡。武德四年。復置封州。

州境。東四一百二十八里。南北二百八十九里。

八到。西北取梧州路至上都四千三百八十五里。西北至東都四千一百三十五里。

東南沿流至廣州一百二十里。北至賀州陸路三百九十里。水路六百四十里。西北泝流至梧州五十里。

貢賦。開元貢蕉布。落麻布。元和貢銀。

管縣二 封川 開建

封川縣。下。本漢廣信縣地。梁於此置梁信郡。開皇十年。改爲梁信縣。屬封州。十八年。改爲封川縣。皇朝因之。

古關山在縣西十三里。

封溪水經縣北。去縣十五里。